



Universitätsbibliothek Paderborn

[De Natvrali Ex Vngvivm Inspectione Praefagio comment.]

Baldi, Camillo

[Bononiae], 1629

Quid indicent aliæ tactiles differentiæ. [Cap. XIII.]

urn:nbn:de:hbz:466:1-13286

26 DE VNGVIVM PRAESAGIIS.

tentiae assentiunt etiam diuina eloquia, quae dicunt, si cum bono versaberis bonus eris, si cum prauo peruerteris. Sicuti fumanti candelae facillime ignis accenditur, ita puerorum aetas mores, & actiones, quas facere viderit, etiam si non ad vertat imitatur; Imitatio enim est species quaedam perfectionis nostri intellectus tentantis de illa sua pura potentia ad aliquem actum exire. Quod igitur eadem contumelia vehementer hic irascatur, alter rideat, causa est diuersa dispositio, aut habitus, sensim, & fine sensu generatus. Non ob id tamen negarem quin temperamento aliquid, non tamen omnia, sint concedenda.

Quid aliae tactiles vnguium iudicent differentia.

Cap. X. I I .

Sed iam ad partem alteram suscepti negotij, aut ioci revertamur, & quid de vnguis dixerint chyromantæ duris, atq; mollibus, referamus, ab his tamen non expectanda est suorum dictorum confirmatio, quoniam neque rationem, neq; experientia habent, quibus sua placita adstruant; Hæc autem à me afferuntur, vt ab horū superstitionibus, & præstigijs animi nostri soluātur, ne vè relicta luce tenebras amplectamur. Duros vngues aiunt esse propries hominum obstinatorum, & crudelium, quodque erunt homicidæ, & præcipue sœuent in vxores, fratres, & domesticos, quod mortem violentam subibunt, quod latrōcinia exercebunt; Quod sunt impij, & parum admodum religiosi, quales dicunt esse pyratas, & maritimos milites; si molles fuerint vngues in malculo, præ posteræ libidini daait operam, si fuerit mulier, impudica fiet meretrix, & à propinquis, suam turpitudinem pati non potentibus occidetur, multos illa habebit amatos, multos amabit, & propter suam lasciuiam ad inopiam redigetur, sœpissim eque decipietur, neminem amabit pudice, non filios non fratres, non maritos, quos putabit propter sua vitia sibi infestos; Hæc illi nullam rationem

tionem adhibentes pro certis asserunt; Si autem physico, aut physiognomo, rationem audiensi, raritas, & tenuitas vnguium, aut his opposita se se obtulerint; item acumen, vel obtusitas, suis innixi principijs aliquid forte dicere poterunt; Raritas, & tenuitas dominantis flauæ bilis in corporis temperie sunt indica, tendines igitur rari, & tenues, propter raritatem multos admittunt spiritus, quare in principio actionum ad agendum sunt paratissimi, at cito deficiunt; propter raritatem enim facile labuntur ab cunctibus spiritibus membra concidunt, & vis omnis resolutur; propter raritatem, ijdē indicant cerebri tenuem esse materiam, & apprime mollem, aptissimam igitur ad patiendum, igitur hōrum exquisitus erit sensus, & mens apta ad intellectiones, & scientias, nam, & caro erit mollis, quæ ut ait Aristoteles significat mentis aptitudinem; ijde etiam prompti ad irā erunt, qui tamen facile placentur, qualem, putandum est, fuisse Horatium qui aiebat, se irasci celerem, tamen ut placabilis esset; Crassi vngues, & densi oppositum designabunt, & melancholiæ dominari per se ferunt. Crassumque sanguinem, & substantiam cerebri, crassorem esse, quare & rude arguit ingenium, & durum, etiam hominem ad parentum potius, quam ad imperandū natum, qui facile decipi possit, non admodum iracundum, sed si irascatur, diuturnam seruet iram, materia enim dura difficile externas suscipit impressiones, susceptas diuturno retinet tempore; Notandum tamen dispositiones, & qualitates melancholiæ adeo esse diuersas, ut difficile sit illius species, & omnes effectus recensere; & profecto videtur esse omnino terræ similem, nam ut multæ sunt species terræ, quarum aliæ sunt fertiles, aliæ steriles, nigræ, albæ, rubræ, falsæ, omni sapore carentes, arenosæ, limosæ, & aliæ, atque aliæ, ita vix poterit effectus melancholicos aliquis toto vitæ tempore suæ enumerare, si linguæ centum sint, ora que centum, ferreaq; vox, (ut ait Virgil.) posset omnes delirijs comprehendere species, quas humor hic pro sua diuersa dispositione,

& ha-

38. DE IVNGIVM PRAE SAGIIS.

& habitudine quam habet cum alijs, causat omnes delirant, qui aliquantis per, & aliquando a recto limite rationis recedunt. At puto nulos esse, quibus aliquando non acciderit errare, cum sciamus etiam iustos, bonos & prudentes septies in die cadere. Asperos vngues quo si tetigeris, scabrosos senties, & similes ligno male dolato, in his apparet existere aquam terrae mixtam a calore passam, sic enim fit in corporibus similaribus scabrositas, cum pars superior luti inæqualiter a calore patitur. Quod si asperitas inæqualitatem caloris arguit in agendo, & vires non erunt sibi dissimiles, quæ a tendinu pendent natura, & cerebrum, quod originem diximus nerorum Iuius scabrositatis partem non paruam habere probabile est, & si scabrosum, & inæquale fuerit cerebrum, homo non sibi constabit, & irresolutus erit in suis actionibus, & orationibus, & magnam difficultatem in explicandis suis conceptibus sentiet, neque minus difficultatis experietur in intelligendo ea, quæ ab alijs dicentur, differunt enim inter se parum, ingenium rude, & asperum, sicuti etiam similia sunt crassa, & obtusa ingenia, in quibus neque iudicium est, neque perspicacia vlla; Aspero lenigatum opponitur, quod mollitem, & æqualitatem præ se fert, qualem in elaborato videmus ebore, fœminarum hi sunt vngues, & hominum, qui molles habent carnes, & miti sunt ingenio præditi, & sibi constantes, cordati & viri qui possint obire munia recto more, nam sunt amables, & boni viri, mollities enim, & lauitas hæc nascitur a sanguine cum mediocri pituita, & ea naturali, commixto, aerem enim referre, & aquam dicimus hos duos naturales humores, hæc duo elementa cum miscentur, ut appareat in bullis, & fluctibus faciunt rem æqualem, & lauigatam. Unde etiam hac de causa noctu videmus lucere ligna putrida, quoniam non parum aeris cum aqua illi albo ligno super est positum, cuius indicium est, quod cum siccatur lumen deficit, fragilia sunt, quæ facile in partes separantur, id accidit dupliciter, aut quoniam multa humiditas est in eo corpore,

pore, quæ exacte à calore fuerit siccii partibus admixta, facile igitur pars ab altera parte recedit, sic Virg. fragiles vocat ramos, qui lentis, vt salicis, & viburni, opponuntur; len-ta enim ista ligna sunt, quoniam quamuis cedant, & in om-ne latus torqueantur, non tamen franguntur, neque pars partem deserit, at fragile lignum est quod frangitur facile, quod vero in plurimas partes percussum diuiditur friabile vocatur, vt vitrum, & testæ terreæ, & fætilia; Aut fragilia sunt, quæ minimum habent humiditatis, & propterea facile franguntur, sic chalybs cum valde purgatus est, quoniā mi-nimum habet in se humidi continuantis maxime frangitur. Cum ergo multam siccitatem in tendine, & neruo mon-strēt huiusmodi vngues, nō ab re hos homines duri ingenij dicemus, & qui vix à quoque persuaderi possint ad sentien-dum, & agendum, quæ illis etiam rationabiliter conducunt, malluntque mori, & pessima pati, quam de sua decedere opi-nione; & fragiles qui vngues habent, cerebro si proprie vocantur, habent etiam fragiles corporis vires, neque enim multum laboris, & diu sustinere possunt, hæc & huiusmodi de vnguis cum causas perscrutamur, possunt præ sagiri; Ast chyromantæ leuum vngium, & fœminilium homi-nes vocant astutos, infideles, proditores, furaces mendaces, & quibus nihil credi possit. At quorum asperos vident vngues, illos putant viros pessimos, & qui ab omnibus, pro pter sua scelera odio habeantur, etiam si illis aliqua umbra rationis in esse videatur. Sed quando homines læuum un-gium, propterea quod proditores erunt, debeat capite ple-cti, & quod semper facient finem infelicissimum; hoc profe-to ridiculum est, neque in se rationem ullam habet; simili-ter cum aiunt illos esse aleatores, & qui secum ludentes decipiant & quod quamuis iniuste, multum lucrabuntur, ege-bunt tamen; profecto non est quod acquiescat intellectus ullus; Legi apud quosdam referentes mores hominum, qui antipodes sunt Italiæ, & Siciliæ; eos (aiunt) nudos incedere, & regionem illam siluosam, & montuosam, agrestē, & lon-ge fri-

30 DE VNGIVM PRAESAGIIS.

ge frigidorem, quam sint montana Italiæ, quamuis ibi populus antarticus non eleuetur amplius 42. & 44. gradibus, legi in quam, eos homines esse agrestes, ab omni mansuetudine, atque humanitate remotos, nullas colere societas, solitarios viuere, cum mulieribus quæ sibi occurunt congregandi, nulla coniunctionis, aut consanguinitatis habita ratione, eosdem ferocissimos esse, vnguibus, & dentibus inter se pugnare; carnes crudas, tum ferinas, tum humanas edere; ex quibus, si vera sunt, inferre forte licebit; loci, cœlique oppositam naturam, ac dispositionem aliquid valere ad oppositā inclinationem, in his qui ibi nascuntur inducendam, sic dicunt Elephantes Africanos timere valde Aethiopicos, neque id alia ratione præterquam natalis soli euenire; Quæ si vera sunt dicemus locum, & cibum nescio quid inclinationis in nobis generare, sed non apparent hæ inclinationes, nisi data occasione exerceantur, & operatione ad actum perducantur; Quod accidit sodalitijs, legibus, & ordinationibus sapientum, quibus docentur homines viuere suauiter, & benigne; Pariter colligere possumus hos omnes cum acutissimos habeant vngues, & quibus in pugnis utantur, apud illos nihil chyromantiam valere, & concludendum erit eosdeni à stellis fuisse desertos, cum omnes inter se sint æquales, nemo diues, nemo rex, aut Princeps nisi qui robustior, & valentior, hic enim cum se se offert occasio, aut quæsito cibo, aut vita alium priuat; hæc igitur ex qualitatibus tangibilibus, non primis tamen, dicta sint accidere hominibus nostrarum regionum.

De notis à quantitate deductis. Cap. XIV.

Quantitas extensionem significat, & id omne cuius pars est extra partem, siue pars parti sit coniuncta, siue separata quantum est; quare duæ sunt quantitatis species. Quorum igitur vngues magni sunt, contingit etiā magnos esse digitos; magnos tēdines, & magna ossa, & propter hoc à pri-